



Alkoholpolitiske retningslinjer
for kommunane i Setesdal –
Evje og Hornnes, Bygland, Valle og Bykle
2016 – 2020

Vedtatt kommunestyre i Evje og Hornnes 10.12.15 k-styresak nr. 103/15

Vedtatt kommunestyre i Bykle 10.12.15 k-styresak nr. 179/15

Vedtatt kommunestyre i Bygland 11.12.15 k-styresak nr. 81/15

Vedtatt kommunestyre i valle 17.02.2016 k-styresak nr. 11/16

Innholdsregister

1. Innleiing	4
2. Lovgrunnlag	4
2.1 Definisjon av alkoholholdig drikk:	4
3. Målsetjing	5
3.1 Målsetjinga i alkohollova	5
3.2 Kommunal målsetjing	5
4. Retningsliner for løyvepolitikken i Setesdal	5
4.1 Generelle retningsliner	5
4.2 Tilverking	6
4.3 Løyveperioden	6
4.4 Vandelskravet	6
4.5 Tildeling og fornying	6
4.6 Internkontroll	7
4.7 Retningsliner og vilkår for salsløyve	7
4.8 Retningsliner og vilkår for skjenkeløyve	7
5. Sals- og skjenketider i Setesdal	8
5.1 Typar løyve	8
5.2 Salstid	9
5.3 Skjenketid	9
6. Kontroll med sals- og skjenkeløyve	9
7. Retningsliner for sanksjon ved brot på regelverket	9
7.1 Generelt	9
7.2 Brot på regelverket	10
7.3 Reaksjonsmønster	10
8. Gebyr	11
9. Delegasjon	11
Relevante forskrifter, lovar og anna:	12

1. Innleiing

Alkoholpolitiske retningslinjer er ein del av den heilskaplege interkommunale rusmiddelpolitiske handlingsplanen for Setesdal. Planen gjeld for 4 år, frå 2016 til 2020. Alkohollova tilrår at planen vert vedteken av kvart nytt kommunestyre.

Alkoholpolitisk plan for Setesdal skal gje rammer for handsaming av saker etter alkohollova og gje politikarar, innbyggjarar og næringsdrivande oversyn over kva som vert lagt til grunn ved handsaming og vedtak i slike saker. Alkoholpolitiske retningslinjer for Setesdal er utarbeidd i samarbeid med sal- og skjenkeansvarlege i dei ulike kommunane.

Alkohollova set nokre rammer for alkoholpolitikken til kommunane gjennom regulatoriske virkemiddel, men kommunane har fridom til og ansvar for å utforme alkoholpolitikken lokalt (Meld.St.30, 2011-2012). I alkohollova er det fleire kryssande omsyn som ein skal ivareta. På den eine sida er alkohol ei lovleg vare som styremaktene ønskjer at skal vere tilgjengeleg, og på den andre sida ynskjer ein å redusere dei sosiale og helsemessige skader som alkohol førar med seg. Det er arbeidsplassar og inntekt knytt til sal og skjenking av alkohol, samstundes som alkohol kan påføre samfunnet og det einskilde menneske stor lidning. Dei samfunnsmessige kostnadane som følgje av alkoholbruk er store. Enkelte rapportar har estimert kostnadane til å liggje mellom 18 og 19,6 milliardar kroner årleg (Av-Og-Til.no). Då er kostnader for helse- og sosialvesenet, for arbeidslivet, tap i form av vald og ulykker samt kriminalitet medrekna. Tal på tapte arbeidsdagar grunne fråvær knytt til alkoholbruk ligg på rundt 1,3 millionar dagar og kostar aleine samfunnet 1,8 milliardar kroner (SIRUS.no).

2. Lovgrunnlag

Lov om omsetting av alkoholholdig drikk m.v av 02. 06.1989 nr. 27 (alkohollova) og Forskrift om omsetting av alkoholholdig drikk m.v. av 08.06.2005 nr. 538

Andre relaterte lover:

Lov om kommunale helse- og omsorgstenester m.m. av 24.06.2011

Lov om folkehelsearbeid av 24.06.2011

Lov om barnevernteneste av 17.07.1992

Lov om vern mot smittsame sjukdomar av 05.08.1994

2.1 Definisjon av alkoholholdig drikk

Alkoholholdig drikk vert brukt som fellesnemning på drikk som inneheld meir enn 2,5 volumprosent alkohol, likevel slik at aldersgrense i regelverk i alkohollova § 1-5 også skal gjelda på drikk mellom 0,7 og 2,5 volumprosent alkohol.

Med brennevin forstår ein drikk som inneheld tilverka alkohol ublanda eller i blanding med andre produkt. All drikk som inneheld 22 volumprosent alkohol eller meir, vert rekna som brennevin.

Alkoholfri drikk: Drikk som inneheld under 0,7 volumprosent alkohol

Alkoholsvak drikk: Drikk som inneheld mellom 0,7 og 2,5 volumprosent alkohol

Alkoholholdig drikk:

- Gruppe 1: Drikk som inneheld over 2,5 og høyst 4,7 volumprosent alkohol.
- Gruppe 2: Drikk som inneheld over 4,7 og mindre enn 22 volumprosent alkohol.
- Gruppe 3: Drikk som inneheld mellom 22 og 60 volumprosent alkohol

3. Målsetting

3.1 Målsetting i alkohollova

I samsvar med målsetting i alkohollova skal kommunane arbeide for å avgrense dei samfunnsmessige og individuelle skadar som alkoholbruk kan føre til. Forsking syner at auke i alkoholbruk fører til større skadeverknader; mindre alkoholbruk reduserer skadeverknadane. Den lokale alkoholpolitikken i Setesdal kan då vere eit styringsreiskap for å minke skadeverknaden ved alkoholbruk mest mogeleg.

3.2 Kommunal målsetjing

Kommunane i Setesdal vil at lokal alkoholpolitikk skal medverke til at omsetnad av alkohol skjer på forsvarleg vis og innafor dei rammer som lovverket set. God kontroll med sals- og skjenkestadar skal sikre at lov og regelverk vert fylgd. Kommunane i Setesdal vil arbeide for å oppfylle hovudintensjonen i alkohollova ved å redusere skadeverknaden av alkohol gjennom å redusere alkoholbruken. Syner elles til målsettingar i interkommunal rusmiddelpolitisk handlingsplan. Sjå spesielt kapittel 3 og alkoholpolitiske tiltak i kapittel 4.

4. Retningslinjer for løyvepolitikken i Setesdal

4.1 Generelle retningslinjer

Kommunane kan tildele to slags løyve:

- Salsløyve.
- Skjenkeløyve, permanent, for ein bestemt del av året eller for eit enkel høve, og ambulerande skjenkeløyve til lukka selskap.

Kommunane kan fastsetje aldersgrense for å kome inn på enkelte skjenkestadar. Innføring av aldersgrense på einskilde arrangement blir vurdert individuelt, og kan setjast som vilkår for skjenkeløyve. På stadar der driftskonseptet kan vere forskjellig på dag og kveldstid, kan det vere aktuelt å innføre aldersgrense bare om kvelden. Kommunane vil ikkje setje "tak" på sals- eller skjenkeløyve. Det gjeld også ambulerande skjenkeløyve.

Ambulerande skjenkeløyve til lukka selskap vert tildelt privatpersonar. Det vil sei søkjarar utan alminneleg løyve. Det kan gjevast løyve for gruppe 1, 2 og 3. Selskapet må vere lukka. Ambulerande løyve må søkjast dersom ein ynskjer å servere alkoholhaldig drikk mot betaling i eit slutta selskap. Ein treng ikkje ambulerande skjenkeløyve om ein har eit privat arrangement og gjestene har med seg alkoholhaldig drikk eller ein serverer alkoholhaldig drikk utan betaling. For enkelte type lokale, til dømes samfunnshus eller grendehus, vert det som hovudregel sett krav om løyve for servering av alkohol sjølv om dette skjer utan vederlag. På slike stadar er det og forbode å drikke alkohol med mindre det skjer i samsvar med gjeve skjenkeløyve jmf § 8-9. (I Valle kommune treng ein ikkje søke løyve for grendehus). Skjenkeløyve for eit enkelt høve (opne arrangement) må knyte seg til ei bestemt hending, og det må tildelast særskilt løyve for kvart enkelt arrangement. Då det her er snakk om opne arrangement, er kommunane restriktive overfor enkeltpersonar som søkarar, då desse ikkje har røynsle med skjenking. Søkarar med alminneleg løyve frå før, eller som har røynsle frå utøving av alminneleg løyve føretrekkast. Det kan gjevast løyve for alkoholhaldig drikk i gruppe 1, 2 og 3. Ved større opne arrangement er kommunane likevel restriktive med å gje løyve for gruppe 3.

Ved arrangement som er opne for publikum bør ein hente inn godkjenning frå politiet av trafikale tilhøve, vakthald og arealavgrensing, før søknaden vert handsama.

Ansvarleg person ved alle ambulerande skjenkeløyver skal vere minimum 20 år og erklære seg kjent med gjeldande regelverk.

4.2 Tilverking

Tilverking av alkoholhaldig drikk vil sei all produksjon av drikk som inneheld meir en 2,5 volumprosent alkohol. Det må søkjast om statleg tilverkingsløyve dersom det er aktuelt med vidaresal av alkohol som vert produsert for restaurantar, butikkar, vinmonopol eller liknande.

Det kan søkjast om:

Kommunal salsløyve med rett til tilverking for sal i eiga verksemd, Jmf. Alkohollova § 3-1

Kommunal skjenkeløyve med rett til tilverking for skjenking i eiga verksemd, Jmf Alkohollova § 4-2

Det er eit vilkår at tilverkinga er ein del av serveringsstaden sitt samla tilbod og karakter og fremmer lokale tradisjonar, turisme og næringsutvikling generelt. Ein kan ikkje gje slikt løyve for alkohol over 22 volumprosent. Alkoholpolitiske retningsliner for sal og/ eller skjenkeløyve gjeld.

Løyvehavar må kontakte tollvesenet og mattilsynet for registrering, før tilverking vert starta opp.

4.3 Løyveperioden

Løyveperioden gjeld normalt for 4 år om gongen med opphøyr 30. juni året etter byrjing av ein ny kommunestyreperiode. I saker der det er grunn til å få evaluert eit enkelt løyve oftare enn kvart 4. år kan ein gje kortare vedtak på minimum 1 år.

4.4 Vandelskravet

Sals- og skjenkeløyve kan bli nekta på grunnlag av negativ uttale frå politiet når høvet knyter seg til alkohollova, eller anna lovgjeving som knyter seg til formålet i alkohollova. Negativ uttale omandel i høve til skatte- og avgiftslovgjevinga kan også gje grunnlag for å nekte løyve.

Fylgjande hovudretningsliner skal ein legge til grunn ved handsaming av brot på skatte, avgifts og rekneskapslovgjevinga i løyveperioden og søknader om nye skjenke/salsløyver:

- Ved uteståande på inntil kr. 5000,- utan godkjent betalingsavtale så vurderer ein dette som eit så lite beløp atandel kan bli godkjend, og at det ikkje gjev grunnlag for reaksjon i løyveperioden.
- Ved uteståande på inntil kr. 50 000,- der godkjent betalingsavtale føreligg, så kanandel bli godkjend, og at det ikkje gjev grunnlag for reaksjon i løyveperioden.
- Ved misleghald av betalingsavtale i løyveperioden og uteståande over kr. 5000,- utan betalingsavtale i løyveperioden, så vert løyve inndrege inntil uteståande beløp er betalt.
- Nye løyver skal ikkje gjevast dersom vandelskravet ikkje er oppfylt i form at verksemda har uteståande, eller at det ikkje føreligg godkjent og etterlevd betalingsavtale, eller at det føreligg graverande brot på anna lovgjeving som har samanheng med alkohollovas føremål.

Ein syner elles til alkohollova § 1-7 b.

4.5 Tildeling og fornying

Ved tildeling og fornying skal det leggjast vekt på om søkjar er eigna til å ha sals- og skjenkeløyve, og om han/ho oppfyller krava i alkohollova § 1-7 c som m.a. omhandlar alder og krav om dokumentert kunnskap om alkohollova.

Søknad om sals- eller skjenkeløyve skal innehalde/leggjast ved følgjande:

- firmaattest
- skatteattest
- teikningar av lokale
- konseptskildring
- bevis for bestått kunnskapsprøve i alkoholoven for styrar og vikar for styrar
- bevis for etablerer prøve for styrar ved serveringsstad

4.6 Internkontroll

Innehavar av sals- og skjenkeløyve har plikt til å ha eit internkontrollsystem, jamfør forskrift til alkoholova kapittel 8. Ein kan gjere unntak for løyve i eit enkelt høve når det vil virke urimeleg, mellom anna ut frå storleiken på arrangementet. Det er viktig med internkontroll ved store og uoversiktlege arrangement som festivalar etc. Det er ikkje krav til internkontroll ved ambulerande skjenkeløyve. Kommunane vil ved behov gje råd og rettleiing til løyvehavar i arbeidet med å utforme eit internkontroll system.

IK systemet må tilpassast verksemda sin storleik m.m. jfr rettleiar frå Sosial- og helsedirektoratet. Uansett storleik på verksemda så må desse dokumenta vere tilgjengelege for tilsette:

- Alkoholova
- Alkoholforskrifta
- Kommunens løyvevedtak
- Kommunale retningsliner (alkoholpolitiske retningsliner)
- Rundskriv

4.7 Retningsliner og vilkår for salsløyve

Daglegvarebutikkar som har eit fullverdig, variert og tilfredsstillande tilbod av daglegvarer kan få salsløyve for alkoholhaldig drikke inntil 4.7 volumprosent alkohol. Kunnskapsprøva må vere gjennomført.

4.8 Retningsliner og vilkår for skjenkeløyve

For kvart løyve skal det utpeikast ein styrar og vikar for styrar, der begge skal godkjennast av kommunen. Styrar og vikar for styrar må vere tilsett på skjenkestaden eller arbeide i verksemda i kraft av eigarstilling. For begge er det krav om bestått kunnskapsprøve i alkoholova. Det er ikkje krav til kunnskapsprøve for ambulerande skjenkeløyve eller løyve for eit enkelthøve. Kommunen har ansvar for gjennomføring av kunnskapsprøva i alkoholova i samsvar med retningsliner for slike prøver, jamfør forskrifta kapittel 5. Kommunane vil utarbeide standardiserte søknadsskjema for søknad om sals- og skjenkeløyve i tråd med reglane i alkoholova og forskrifta. Løyvehavar må alltid fylgje lova og forskriftene i tillegg til kommunale retningsliner. Skjenkestaden har plikt til å delta på orienteringsopplegg som kommunane arrangerer når dette vert arrangert. Dette er eit vilkår for skjenkeløyve.

a. Pub/bar og diskotek

Dette er skjenkestadar der alkoholserving vil utgjere hovudtilbodet. Øl, vin og brennevinløyve kan gjevast.

b. Restaurantar

Med dette meiner ein serveringsstadar som har kjøkken og lager eigen mat med eit variert og tilfredsstillande tilbod og med servering ved borda. Øl, vin og brennevinløyve kan gjevast.

c. Hotell/motell og fjellstover

Det kan gjevast skjenkeløyve til hotellet/motellet sine gjester på overnattingsstadar som har tilfredsstillande standar (minibar servering) jamfør forskrifta § 4-8. Øl, vin og brennevin sløyve kan gjevast. Avgrensing i opningstida gjeld ikkje.

d. Kafear

Med kafear meiner ein serveringsstadar med eige kjøkken med eit variert og tilfredsstillande mattilbod. Øl og vin sløyve kan gjevast. Det skal ikkje gjevast skjenkeløyve til gatekjøkken. Med gatekjøkken meiner ein serveringsstad der tilbodet er enkle matrettar av heil- eller halvfabrikat.

e. Utandørs servering

Det kan i utgangspunktet bare gjevast skjenkeløyve til utandørs servering i direkte tilknytning til restaurant/serveringsstad av mat (terrasse servering). Øl, vin og brennevin sløyve kan gjevast. Utandørs servering skal skje på tydeleg fysisk avgrensa område. Utandørs servering må ikkje vere til sjenanse for omgivnaden eller fare for at det skjer uhell (til dømes trafikk). Det er ein føresetnad at politivedtektene blir overhalde og at verksemda sikrar at retningsgivande støyverdiar vert overhalde i høve til omkring liggande busetnad.

f. Alpinanlegg

Det kan opnast for skjenkeløyve i alpinanlegg for gruppe 1, 2 og 3. Avgrensing i høve til kap. 4.8 g.

g. Avgrensing i høve til å få skjenkeløyve

- Det vert som hovudregel ikkje gjeve skjenkeløyve til idrettsarrangement.
- Det vert ikkje gjeve skjenkeløyve ved arrangement der barn og unge er målgruppe.
- Skjenkeløyve i lokale som idrettshall, idrettsanlegg og offentleg forsamlingshus kan gjevast etter ei konkret vurdering i enkelthøve. Det kan bare gjevast løyve til skjenking av øl og vin til verksemdar med allmenneleg skjenkeløyve. Dersom det i statuttane for huset er forbod mot alkoholserving kan løyve ikkje gjevast. Idrettshallen i Valle kan ikkje nyttast til arrangement der det vert servert alkohol fordi dette er ein svært ueigna plass til dette føremålet.
- Kommunane skal vere tilbakehalden med å gje skjenkeløyve til skjenkestader som er lokalisert i nærleiken av skule, leikeplass, ungdomsklubb eller andre stader der barn og unge samlast. Viss det er aktuelt å gje slik, skal det særleg vurderast å gje skjenkeløyve til tider der barn og unge ikkje er samla.

h. Skjenkelokal m.m.

Ved tildeling av løyve skal skjenkelokalet si målgruppe, storleiken på lokalet, trafikk tilhøve, ordensmessige problem, høve til å føre kontroll og omsyn til lokalmiljøet bli lagt vekt på. Ved tildeling av ambulerande løyve/løyve til enkeltarrangement skal ein fylgje dei same reglane som for fast løyve. Elles syner ein til reglane for tildeling av skjenkeløyve i alkohollova kapittel 4.

5. Sals- og skjenketider i Setesdal

5.1 Typar løyve

- Over 2,5 % og høgast 4,7 % (gruppe 1)
- Over 4,7 % og mindre enn 22 % (gruppe 2)
- Mellom 22 % og 60 % (gruppe 3)

5.2 Salstid

Sal og utlevering av drikk med høgst 4.7 volumprosent alkohol kan bare skje mellom kl. 08.00 og kl. 20:00 på kvardagar. Laurdagar og dagar før heilagdagar må salet stengjast kl. 18:00. Det er ikkje høve til sal av alkoholhaldig drikk som nemnt ovanfor på sun- og heilagdagar, 1. og 17. mai. Syner elles til alkohollova § 3-7.

5.3 Skjenketid

- a. Skjenking av drikk **under** 22 volumprosent alkohol (gruppe 1 og gruppe 2):
 - Kvardagar, sun- og heilagdagar og offentlege høgtidsdagar kl. 08:00- 02:00.
- b. Skjenking av drikk **over** 22 volumprosent alkohol (gruppe 3):
 - Kvardagar, sun- og heilagdagar og offentlege høgtidsdagar kl.13:00- 02:00.
For Evje og Hornnes kommune gjeld kvardagar, sun- og heilagdagar og offentlege høgtidsdagar frå kl.13:00 - 01:00. (K-styresak nr. 103/15)

Konsum av skjenka alkohol må opphøyra seinast 30 minutt etter at skjenketida er slutt.

Kommunane vil som utgangspunkt ikkje gje skjenkeløyve utover den tida som går fram av punkt a og b ovafor. Det må heilt spesielle grunnar til for å fråvike dette prinsipp for eit enkelt høve. Syner til alkohollova § 4-4.

- c. Alle søkarar får i utgangspunktet same skjenketid, men det kan differensierast ved behov for kortare skjenketid. Her syner ein spesielt til det siste punktet under avgrensing i høve til å få skjenkeløyve.

6. Kontroll med sals- og skjenkeløyve

Etter alkohollova § 1- 9 har kommunen ansvar for kontroll med sals- og skjenkestadar som ligg i kommunen.

- Kontroll av sals- og skjenkestadar skal utførast av engasjerte kontrollørar.
- Det skal gjennomførast **minimum** tre gonger så mange kontrollar per år som det er løyver, og kontrollen skal særleg legge vekt på sals- og skjenketider, aldersgrensereglar og at det ikkje blir selt eller skjenka alkohol til personar som er openbart påverka av rusmidlar.
- Kontrollørane skal så langt det er mogeleg leggje kontrollen til tider når det er store arrangement. Den som tildel løyve skal gje kontrolløren beskjed om store arrangement, og skal vurdere om det er trong for ekstra kontroll.
- Kontrolløren skal også kontrollere føring av internkontroll etter forskrift til alkohollova kapittel 8. Det skal gjennomførast røykekontroll etter tobakksskadelova § 12 samstundes som skjenkekontroll vert gjennomført. I tilfelle ansvaret ikkje er delegert, så er kommunestyret ansvarleg for å føre tilsyn med at reglane i tobakksskadelova § 12 blir overhalde; jamfør tobakksskadelova § 13.
- Kontrolløren sender rapport til kommunen etter kvar kontroll. Kontrollen fylgjer elles av forskrift til alkohollova kapittel 9.

7. Retningsliner for sanksjon ved brot på regelverket

7.1 Generelt

Etter forskrift om omsetning av alkoholholdig drikk innføres prikktildelingssystem frå 01.01.16.

Føresegn om prikktildeling og inndraging i § 10-2 til § 10-6, gjeld der kontroll er gjennomført etter kapittel 9 i denne forskrifta, eller rapport frå andre organ, avdekkar at innehavar av kommunal sals- eller skjenkeløyve ikkje har oppfylt sine plikter etter alkohollova, føresegn gitt i medhald av

alkoholloven, føresegn i lov eller i medhald av lov som har samanheng med alkohollovas føremål, eller plikter som følgjer av vilkår i vedtak om løyve.

Dei nye reglane tydeliggjer kommunen sitt ansvar for å reagere ved brot på vilkåra for løyve. Dei skal sikre lik handsaming av løyvehavar, gi meir effektiv oppfølging av regelbrot og gjere sakshandsaminga enklare. Forskrifta gjev lite rom for skjønn og brot vert straffa med prikktildeling etter kap. 7.2 i retningslinene.

7.2 Brot på regelverket

Etter forskrift om omsetnad av alkoholhaldig drikk vert prikktildeling innført frå 01.01.16.

a. Følgjande brot fører til tildeling av 8 prikkar:

- Sal og skjenking til personar under 18 år jf. alkohollova § 1-5.
- Brot på bistandsplikta, jf. § 4-1 i forskrifta.
- Brot på krav om forsvarleg drift, jf. alkohollova § 3-9 og § 4-7.
- Hindring av kommunal kontroll, jf. alkohollova § 1-9.

b. Følgjande brot fører til tildeling av 4 prikkar:

- Sal og skjenking til person som er openbart påverka av rusmiddel jf. § 3-1 Og § 4-2 i forskrifta.
- Brot på sal og skjenketida, jf. alkohollova § 3-7 og § 4-4.
- Skjenking av brennevin til personar mellom 18-20 år, jf. alkohollova § 1-5.
- Brot på alderskravet til den som seljer/skjenker, jf. alkohollova § 1-5.

c. Følgjande brot fører til tildeling av 2 prikkar:

- Personar som er openbart påverka av rusmiddel gis tilgang til lokalet, eller løyvehavar ikkje sørgjer for at personer som er openbart påverka av rusmiddel forlèt staden, jf. § 4-1 i forskrifta
- Manglar ved internkontroll, jamfør forskrifta kap. 8
- Manglande levering av omsetningsoppgåve innan fristen til kommunen, jf. kapittel 6 i forskrifta
- Manglande innbetaling av løyvegebyr innan fristen til kommunen jf. kapittel 6 i forskrifta
- Brot på krav om styrar og assisterande, jf. alkohollova § 1-7c
- Gjenteke narkotikaomsetning og/eller diskriminering på skjenkestaden, jf. alkohollova § 1-8

d. Følgjande brot fører til tildeling av 1 prikk:

- Manglande alkoholfrie alternativ jf. § 4-6 i forskrifta
- Brot på regler om skjenkemengde jf. § 4-5 i forskrifta
- Gjester nyt alkoholhaldig drikk som dei har med seg, eller tar med seg alkoholhaldig drikk når dei forlèt skjenkestaden jf. § 4-4 i forskrifta
- Brot på kravet om plassering av alkohol jf. § 3-3 i forskrifta
- Brot på vilkår i vedtak om løyve, jf. alkohollova § 3-2 og § 4-3
- Brot på reklameforbodet jf. alkohollova § 9-2, jf. kapittel 14 i forskrifta
- Andre lovbrot som vert omfatta av alkohollova § 1-8 første ledd, jf. Mellom anna alkohollova § 3-1 sjette ledd, § 4-1 andre ledd, § 8-6, § 8-6a, § 8-12 og § 8-13.

7.3 Reaksjonsmønster

Der det føreligg grunnlag for prikktildeling, skal kommunen sende ut førehandsvarsel om tildeling av prikkar, jf. forvaltningslova § 16. Prikktildelinga kan klagas inn for Fylkesmannen.

Ved tildeling av 12 prikkar i ein periode på 2 år, skal løyve bli inndradd for eit tidsrom på ei veke. Ved tildeling av fleir enn 12 prikkar skal lengda på inndraginga aukas tilsvarande. Forelding gjeld frå det tidspunkt brotet som førte til prikkane fant sted.

Kommunestyret kan ved svært skjerpande tilhøve auke lengda på inndraginga. I dei mest alvorlege tilfelle for resten av løyveperioden jf. 10-4 i forskrifta.

Kommunestyret, eller den kommunestyret gjev mynde til, fattar enkeltvedtak om inndraging av løyve på grunnlag av tildeling av prikkar. Kommunen bør setja i verk vedtak om inndraging innan fire veker etter dato for vedtak jf. §10-6 i forskrifta.

8. Gebyr

Kommunane vil fylgje satsar i lova og forskrifta for innkrevjing av gebyr. Ein syner til alkohollova § 7-1 og forskrifta §§ 6-1 og 6-2.

Ambulerande skjenkeløyve (alkohollova § 4-5): Gebyr må vere innbetalt før løyve vert teke i bruk.

Skjenkeløyve til enkelt arrangement (gitt etter alkohollova § 1-6): Gebyr vert fastsett etter forventa omsetnad og skal vere betalt seinast 3 dagar før arrangementet finn stad. Ved kontroll må gyldig kvittering bli lagt fram.

9. Delegasjon

Det vil vere opp til den einskilde kommune og avgjere korleis ein delegerer dei ulike vedtak innanfor alkohollova.

Relevante forskrifter, lovar og anna:

- *Lov om omsetning av alkoholholdig drikk m.v. (alkohollova)*
(http://lovdata.no/cgi-wift/wiftldles?doc=/app/gratis/www/docroot/all/nl-19890602-027.html&emne=ALKOHOLLOV*&)
- FOR 2005-06-08 nr 538: *Forskrift om omsetning av alkoholholdig drikk mv.*
(<http://www.lovdata.no/for/sf/ho/xo-20050608-0538.html#map008>)
- *Mer skjenking gir mer vold, SIRUS, 2011*
(<http://www.forskning.no/artikler/2011/september/300076>)
- IS-2038: *Veileder i salgs- og skjenkekontroll, 2012:*
(<http://helsedirektoratet.no/publikasjoner/veileder-i-salgs-og-skjenkekontroll/Sider/default.aspx>)
- *Kommunenes forvaltning av alkoholloven, SIRUS, 2009:*
(http://www.sirus.no/filestore/Import_vedlegg/Kommunenesforvaltningavalkoholloven2009_2.pdf)
- Stortingsmelding nr. 30, *Se meg! En helhetlig alkoholpolitikk alkohol – narkotika – doping, 2011-2012*
(<http://www.regjeringen.no/nb/dep/hod/dok/regpubl/stmeld/2011-2012/meld-st-30-20112012.html?id=686014>)